

LES MUJERES LLUCHAMOS POLA NUEVA LLIBERTÁ

Manifiestu 8 de marzu 2014

Esti 8 de Marzu presentámonos toes xuntes... xuntes pa lluchar pol nuesu drechu a decidir, el nuesu drechu a una maternidá llibremente decidía y el nuesu derechu a tener vides vivibles. Porque son los nuestos cuerpos y son les nuses vides.

DEFENDEMOS el nuesu derechu a decidir ser madres y a nun selo, a ser madres con otra muyer o a selo en solitariu, a ser madres cuando nós queramos, y ser madres o nun selo coles condiciones necesaries pa que podamos tener vides dignes. **DEFENDEMOS** que se respeten los Drechos Sesuales y Reproductivos de les muyeres, que son Drechos Humanos básicos. Ser muyer nun ye ser ciudadana de segunda, nin ye sinónimu de madre, nin d'úteru, nin d'incubadora.

Y tamién seguimos **DESIXENDO**, comu ca 8 de marzu, un salariu equitativu y dignu, porque les muyeres seguimos cobrando menos pol mesmu emplegu que los homes. Del mesma, **DESIXIMOS** que seyan les vides les que tean nel centru de los anális y polítiques macro-económiques, y non los mercaos. Porque les muyeres faemos los 2/3 del trabayu non remuneráu del mundiu, sobro too encargándonos del curiaos de les vides d'otres presones, y ensin nós y esti trabayu de curiaos, les sociedaes enteres detiéndose.

DESIXIMOS un sistema educativu públicu, llaicu, universal y de calidá, comu forma de caltener el principiu d'igualdá ente muyeres y homes, y qu'amás incluya la educación afeutivu-sexual dende les edaes más tempranes, pa prevenir dende embarazos non deseyaos fasta rellaciones desiguales y/o violentes dientru les pareyes.

DESIXIMOS un sistema de salú públicu, universal y de calidá, nos que tamién s'enmarque la interrupción voluntaria del embaranzu. Y **DESIXIMOS** recursos sociales públicos universales y de calidá, comu los rellativos a la dependencia, a la corresponsabilidá, a la prevención de la violencia machista y a l'acoyíaa de presones migrantes. Y **DENUNCIAMOS** que les midíes de retayu suponen y exercen violencia estructural escontra les muyeres, privándonos de los nuestos drechos más ellementales y condergándonos a soportar la violencia machista de mena cotidiana y presente en tolos estamentos sociales.

Nesti contestu, el proyeutu de llei del PP, la contrarreforma de la llei del albuertu, costitúi un retrocesu llexislativu ya ideolóxicu intolerable. Ye ún de los mayores ataques escontra l'autonomía y los drechos de les muyeres, que mos retrotrái a les etapes más escaures del franquismu. Y empónmos a condiciones impropies en democracia, onde l'Estáu tien de garantizar la nueva llibertá, y non conderganos a penes d'otres dómines.

La so visión machista torna asitiamos na minoría d'edá al negamos la capacidá de decisión sobro'l nuesu cuerpu, la nueva maternidá y treslládala a terceros. Dientru d'esti marcu xurídicu perderíemos la nueva condición de ciudadanes de plenu drechu con voz, representando un peligrosu pasu que mos conduciría a situaciones de mayor inferioridá, sumisión y desigualdá, siendo éstos el caldu de cultivu de toles violencias escontra les muyeres.

Los que pretenden imponer les sos creyencies morales al conxuntu de la ciudadanía al traviés de

normes d'obligáu cumplimientu son fundamentalistes, y el fundamentalismu nun ye propiu d'un estáu democráticu. Nun podemos consentir que roben la nuesa llibertá y mos impóngan la so moral estableciendo comu delitu aquello que dalgunos consideren un pecáu, lo que fasta esti momentu ye un drechu.

Sigún reconoz la Organización Mundial de la Salú, l'albuertu inseguru ye una pandemia silenciosa y per ende tien de promovese l'albuertu llegal y seguru como un drechu fundamental de les muyeres. Les lleis restrictives nun amenorguen el númberu d'albuertos, sinón qu'aumenten el númberu de muyeres qu'esponen les sos vides na clandestinidá o en condiciones d'inseguridad sanitaria. 47000 muyeres muerren al añu nel mundiu víctimes d'un albuertu inseguru. Les lleis restrictives acuten les opciones d'un albuertu seguru namá pa les muyeres con más recursos económicos, que van poder albortar en países con llexislaciones menos restrictives. Mentos que les qu'escarezan d'ellos, van albortar igualmente, pero en condiciones de clandestinidá y con grave riesgu pa la so salú.

Asina, **DEFENDEMOS** educación sesual con perspectiva de xéneru pa decidir, anticonceutivos pa evitar albortar y albuertu llegal pa nun morrer. **DESIXIMOS** que se regule la oxeción de concenxa, pa que ésta nun seya la coartada de los profesionales más reacionarios. Y, amás, **DENUNCIAMOS** al PP, a la ilesia católica y a la minoría fundamentalista antivida por apoderase de los nuestos cuerpos y de la nuesa llibertá.

Por tou ello **DESIXIMOS** la retirada d'esti anteproyeutu de llei, y **DESIXIMOS** la dimisión del Ministru de Xusticia Don Alberto Ruíz Gallardón, al responder a una concepción restrictiva de los drechos y atacar los principios d'una sociedá plural. Porque llimita la llibertá y el drechu a decidir de les muyeres. Porque custiona determinaes conquistes sociales que s'algamaren nes postreres décadas, frutu de la llucha de les muyeres desendolcada a lo llargo de munchu tiempu.

**ESTI OCHU DE MARZU LES MUYERES LLUCHAMOS POLA NUESA LLIBERTÁ...
¡GÜEI MAÑANA Y SIEMPRE!**